

Broj: 06-03-23-05/4/18
Mostar, 15.03.2018. godine

Na osnovu člana 17., člana 22. stav (1), stav (3) i stav (5) i člana 23. stav (1) tačka a) i tačka d) Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 36. stav (1) tačka a) i tačka d), stav (4) i stav (7), te člana 37. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), postupajući po Zahtjevu za oduzimanje dozvole za rad (licence) broj 06-03-23/4/18 od 08.01.2018. godine, podnosioca zahtjeva „AHMETSPAHIĆ PETROL“ d.o.o. Sarajevo, Muamera Omerbegovića 3, Sarajevo, u postupku trajnog oduzimanja Dozvole za rad (licence) za skladištenje naftnih derivata osim LPG-a broj 06-03-565/115/16 od 11.07.2016. godine, Regulatorna komisija za energiju u Federaciji Bosne i Hercegovine – FERK je 15.03.2018. godine na V redovnoj sjednici donijela sljedeće

RJEŠENJE

1. Imaocu dozvole „AHMETSPAHIĆ PETROL“ d.o.o. Sarajevo trajno se oduzima Dozvola za rad (licenca) za skladištenje naftnih derivata osim LPG-a broj 06-03-565/115/16 od 11.07.2016. godine izdata Rješenjem broj 06-03-565-04/115/16 od 11.07.2016. godine.
2. Regulatorna naknada za drugu godinu važenja dozvole za rad (licence), utvrđena u tačkama 4. i 5. Rješenja broj 06-03-565-04/115/16 od 11.07.2016. godine obračunata je za period važenja dozvole za rad (licence), te ista iznosi 1.128,77 KM.
3. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.
4. Stupanjem na snagu ovog rješenja prestaje važiti Rješenje broj 06-03-565-04/115/16 od 11.07.2016. godine, kojim je izdata Dozvola za rad (licenca) za skladištenje naftnih derivata osim LPG-a broj 06-03-565/115/16.

Obrazloženje

Dana 08.01.2018. godine FERK je od podnosioca „AHMETSPAHIĆ PETROL“ d.o.o. Sarajevo pod brojem 06-03-23/4/18 primio Zahtjev za oduzimanje dozvole za rad (licence), u postupku oduzimanja Dozvole za rad (licence) za skladištenje naftnih derivata osim LPG-a broj 06-03-565/115/16 od 11.07.2016. godine, radi prestanka ispunjavanja kriterija za obavljanje odobrene energetske djelatnosti i radi neobavljanja odobrene energetske djelatnosti, te 10.01.2018. godine pod brojem 06-03-23-01/4/18 dopunu istog zahtjeva.

Članom 22. stav (1) Zakona o naftnim derivatima u Federaciji Bosne i Hercegovine propisano je da se licenca prije isteka njenog važenja može oduzeti privremeno ili trajno, dok je stavom (3) navedenog člana propisano da se postupak za oduzimanje licence obavlja na isti način kao i postupak za davanje licence.

Takođe, članom 36. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisani su razlozi oduzimanja dozvole za rad (licence), pa je stavom (1) tačka a) i tačka d) ovog člana propisano da će FERK istu oduzeti ukoliko imalac dozvole prestane ispunjavati neke od kriterija iz člana 21. stav (1) tačka a), b), c) ili d) Zakona o naftnim derivatima u Federaciji Bosne i Hercegovine, odnosno iz člana 25. stav (1) tačka b), c), d), e) i h) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, te ukoliko imalac dozvole ne obavlja odobrenu energetske djelatnost, o čemu je bio dužan obavijestiti FERK. Članom 37. stav (1) ovog pravilnika propisano je da se postupak obnove, izmjene i dopune i oduzimanja (privremenog i trajnog) dozvole za rad (licence) vodi na isti način kao i postupak izdavanja dozvole za rad (licence), dok je stavom (2) istog člana propisano da ukoliko su u zahtjevu za pokretanje postupaka iz stava (1) ovoga člana navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i na način da se donese odluka bez pozivanja zainteresovanih lica na davanje pisanih komentara na nacrt dozvole kroz proces javne rasprave.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 12.01.2018. godine uputio Obavještenje o nedostacima podnesenog Zahtjeva za oduzimanje dozvole za rad (licence) pod brojem 06-03-23-02/4/18 i odredio mu rok od osam dana radi otklanjanja uočenih nedostataka navedenih u obavještenju. Postupajući po obavještenju, podnosilac zahtjeva je dostavio dopis primljen u FERK 18.01.2018. godine pod brojem 06-03-23-03/4/18, uz koji je dostavio traženu dokumentaciju i obrazloženja a na osnovu čega je FERK utvrdio da je podneseni zahtjev potpun.

Na osnovu naprijed navedenih odredbi, a imajući u vidu da je imalac dozvole prestao ispunjavati kriterije za obavljanje odobrene energetske djelatnosti, te da imalac dozvole ne obavlja odobrenu energetske djelatnost, FERK je Rješenjem broj 06-03-23-04/4/18 od 02.02.2018. godine izvršio privremeno oduzimanje Dozvole za rad (licence) za skladištenje naftnih derivata osim LPG-a broj 06-03-565/115/16 od 11.07.2016. godine imao dozvole „AHMETSPAHIĆ PETROL“ d.o.o. Sarajevo, obzirom da su bili ispunjeni svi propisani uslovi za privremeno oduzimanje dozvole za rad (licence). U predmetnom rješenju je naloženo imao dozvole „AHMETSPAHIĆ PETROL“ d.o.o. Sarajevo, da do 05.03.2018. godine FERK-u dostavi obavještenje ukoliko namjerava nastaviti sa obavljanjem energetske djelatnosti, a u suprotnom FERK će donijeti rješenje kojim se trajno oduzima dozvola za rad (licenca).

Imalac dozvole nije dostavio obavještenje o namjeri daljnjeg obavljanja energetske djelatnosti u roku utvrđenom u Rješenju broj 06-03-23-04/4/18 od 02.02.2018. godine o privremenom oduzimanje Dozvole za rad (licence) za skladištenje naftnih derivata osim LPG-a broj 06-03-565/115/16 od 11.07.2016. godine.

Članom 22. stav (5) Zakona o naftnim derivatima u Federaciji Bosne i Hercegovine propisano je da se postupak trajnog oduzimanja licence provodi ako energetski subjekat ne otkloni nedostatak u roku određenom aktom o privremenom oduzimanju licence ili ne otkloni nedostatke u radu u roku određenom rješenjem nadležnog inspektora.

Imajući u vidu činjenicu da imalac dozvole nije otklonio nedostatak, odnosno nije se izjasnio da namjerava nastaviti obavljanje energetske djelatnosti, zbog čega mu je privremeno oduzeta dozvola za rad (licenca), FERK je odlučio izvršiti trajno oduzimanje Dozvole za rad (licence) za skladištenje naftnih derivata osim LPG-a broj 06-03-565/115/16 od 11.07.2016. godine imaocu dozvole „AHMETSPAHIĆ PETROL“ d.o.o. Sarajevo, obzirom da su ispunjeni svi propisani uslovi za trajno oduzimanje dozvole za rad (licence).

Kako se regulatorna naknada plaća za period važenja dozvole za rad (licence), FERK je izvršio ponovni obračun regulatorne naknade za drugu godinu važenja dozvole za rad (licence) za navedenog imaoca dozvole, te ista iznosi 1.128,77 KM. Obzirom da je imalac dozvole izvršio uplatu regulatorne naknade za drugu godinu važenja dozvole za rad (licence) u iznosu od 2.000,00 KM, prema Obavještenju broj 17-361-000003 od 06.01.2017. godine, istom će se izvršiti povrat više uplaćene regulatorne naknade u iznosu od 871,23 KM, o čemu će se imaocu dozvole ispostaviti posebno obavještenje. Obavještenje broj 18-361-000009 od 03.01.2018. godine, o obavezi plaćanja za treću godinu važenja dozvole za rad (licence), izdato u skladu sa tačkama 4. i 5. Rješenja broj 06-03-399-07/29/16 od 04.07.2016. godine, bit će stornirano zbog trajnog oduzimanja dozvole za rad (licence).

Na osnovu obrade Zahtjeva za oduzimanje dozvole za rad (licence) podnosioca „AHMETSPAHIĆ PETROL“ d.o.o. Sarajevo i dokumentacije priložene uz zahtjev, FERK je u skladu sa članom 36. stav (1) tačka a) i tačka d) i članom 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, odlučio kao u dispozitivu ovog rješenja.

POUKA O PRAVNOM LIJEKU:

Protiv ovog rješenja „AHMETSPAHIĆ PETROL“ d.o.o. Sarajevo može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Jasmin Bešo

Dostaviti:

- „AHMETSPAHIĆ PETROL“ d.o.o. Sarajevo
- Federalnom ministarstvu energije, rudarstva i industrije
- Federalno ministarstvo trgovine
- Federalna uprava za inspeksijske poslove
- Kancelariji sekretara FERK-a
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru za finansije
- Sektoru zajedničkih poslova
- oglasna tabla
- a/a

Regulatorna komisija za energiju u Federaciji Bosne i Hercegovine – FERK
Blajburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508 kontakt@ferk.ba www.ferk.ba

Id.br.: 4227378050005 ; Transakcijski račun [KM]: 5550000013715624;
devizni račun: 5550000013716303, kod NOVA BANKA A.D. FILIJALA MOSTAR